

Le dotur Eduard Agreiter é demez danmisdé i dis: 11, 12 y 13 de merz, y vëgn sostituí dala doturia Grete Mahlknecht 349 06 67 034.

La doturia Grete Mahlknecht é demez ai 18 i ai 19 de merz, y vëgn sostituida dala doturia Lodovica Mattioni 328 85 90 842.

PLOANIES SAN MARTIN Y LUNGIARÜ

En sabeda, ai 16 de merz, dales 14.45: Tru dles Staziuns cun i ministranc y les schires joniles dla Val Badia da San Linert demez. *Ciarede ultima plata!*

SAN MARTIN

Al vëgn dër bel invié en vëndres, dales 19.00, ala funziun penitenziala, che é ince na buna preparaziun por jí spo a se confessé personalmënter.

Al é l'ocajun da jí a se confessé pro don Yuriy, tla dlijia da San Martin:

- sabeda, 16 de merz, dales 17.30 ales 18.30 y

- sabeda, 23 de merz, dales 17.30 ales 18.30.

Cun ligrèza podunse presenté i mituns y les mitans che jará ala Pröma Santa Comuniun: Simon Dapoz, Maximilian Menegot, Nina Moling, Lara Marie Orlando, Chiara Paratscha, Noa Pezzei, Manuel Planatscher, Mattia Ploner y Jasmin Verginer. I ti audun ch'ai pois s'arjigné ca bun ala gran festa.

Do mez merz gnarál partí fora a vigni familia/ciasa n invit personal por paié ite le contribut por la ploania por l'ann 2024. Dër bel dilan a düc chi che pairá ite.

I Jogn da San Martin organisèia n torneo de batadú la proscima sabeda, ai 16 de merz, dales 16.00 inant tl salf di stödafüch a San Martin.

Düc canc, jogn y manco jogn é dër bel inviad da gní a tó pert; le cost é de 15€ a squadra (tl prisc - panin + boanda). Sc'i sëis interessá, präibel scriedi n SMS a Natalie 389 18 15 398 cina ai 12 de merz.

Dal Dé de oraziun dles ères él gnü ite por sostigni i proiec de aiüt la bela oferta de 415 euro. N gran dilan a düc.

LUNGIARÜ

La Uniun di Èi da Lungiarü invieia düc i èi (maridá y sura 40 agn) ales lîtes dla Uniun: dai 07 fina ai 17 de merz pón dé jö la zetola cun i inoms apé de dlijia. Sce valgün n'ess nia cialé la zetola por la lîta, präibel telefoné a 329 84 51 915 l'oressun ince invié düc ala S. Mëssa en la festa de Sant Ojöp, en mertesc, ai 19 de merz, y dedò al referat cun siur Tone Fiung.

Les ères dla Uniun di Seniors tl SBB, grup dl paisc da Lungiarü, é dër bel inviadés da gní en jöbia ai 14 de merz, dales 13.30 tl salf dl paisc a feltré (filzen) cun lana por Pasca.

Curs de ginastica por èi y ères: movimënt, stabilité, ecuiliber y prevenziun tigní da Cristina Salton, metü a jí dal KVW adöm cun le consèi de formaziun tla palestra da Lungiarü ai 20, 26 de merz y 09, 16, 23 de aurí y 07, 14, 21 de ma dales 19.30 ales 20.30. Le cost é de 50 € por i iscric al KVW Lungiarü y 55 € por i atri. Iscriziuns pro Annamaria Ferdigg 338 73 75 305.



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net
redaziun: anton.gasser@rolmail.net - 348 27 44 517 / 0474 523 194

10.03. - 17.03.24 n. 15

ultimo termo por comunicaziuns: jöbia, dales 20.00

4^a Domènia de Carsëma - ann B

Vangele do san Jan 3,14-21

Gejù â dit a Nicodêm: Sciöche Mosè à inalzè la bisca tl desert insciö mëss le Fi dl Om gnì inalzè, por che vignun che creì te èl ais la vita eterna. Dî ti à orü tan bun al monn, ch'al à dè ca so Fi su, por che vignun che creì te èl ne vais nia ademal, mo ais la vita eterna. Idî n'á nia menè so Fi tl monn, por che èl iudichèies le monn, mo por che le monn vëgnes salvè tres èl. Chël che creì te èl ne vëgn nia iudiché, chël che ne creì nia é bele iudiché, cioèch'al n'á nia cherdü al inom dl Fi su de Dî.

Deache cun le iudize stara insciö:

La löm é gnüda tl monn, y la jënt ti orô plü bun ala scurité co ala löm; cioèche sües opres ê ries. Vignun che fej dl mal ti à le senn ala löm, por che sües opres ne vëgnes nia sö. Mo chël che fej la verité röia tla löm, por ch'al vëgnes manifestè, che sües opres é gnüdes fates te Dî.

Nia potënza, vendicaziun o gelosia n'é la rajun dl operé de Chël Bel Dî, mo ma amur: Amur por süa creaziun, amur por la jënt. Chël Bel Dî ó condüje döt ci ch'al á cherié ala vita eterna, ala perfeziun. Porchël ál ortié so Fi tl monn.

Chël che creì te èl vëgn salvé deache "Idî n'á nia menè so Fi tl monn, por che èl iudichèies le monn, mo por che le monn vëgnes salvé tres èl." Crèii iö al amur de Dî che salva?

Gejù é la löm gnüda tl monn. Chiri iö la löm dla verité?

Litèii Gejù Crist y süa noela, deach'i sun sigü ch'i davagni cun èl la vita eterna? Da ponsé do a chësc, nes invieia le vangele da incö, por ch'i sarjignunse ca indortöra a Pasca. (H.W.)



EDEMA	SAN MARTIN	LUNGIARÜ
10.03.24 4^a Domènia de Carsëma "Laetare!" <i>De di Seminars dla diozeja</i>	9.30 Les Staziuns (siur Klaus) 10.00 Gran Mëssa por la Comunité <i>Presentaziun di mituns y dles mitans dla pröma comuniun</i> de rengr. fam. Lorenz Planatscher + Tone Unterweger, dl ann + Loise Ploner Unterweger + + Costabiei y Tavella	7.50 Les Staziuns (siur Klaus) 8.15 Gran Mëssa por la Comunité + + dla fam. Martin Clara + Cecilia Mischi Clara + Isidoro Clara aniv. + Guido Clara, Lagoscel
11.03.24 <i>Rosina, Constantin</i> Lönesc		
12.03.24 Dedolönesc <i>Nocodem, Beatrix</i>	8.00 Mëssa por les püres Animes + + Tone y Monica Tolpeit	
13.03.24 Dedemesaledema <i>Iudita, Paulina, Leander</i>	18.00 Les Staziuns	7.30 Mëssa + + Giovanni y Agata Campeï + + Scebio y Angela Nagler
14.03.24 Jöbia <i>Matilda, Eugenia, Leobin</i>	18.30 Mëssa + Franz Planatscher, dla Uniun + Pio Baldissera, dla Uniun + Angelina Tolpei, dl ann	
15.03.24 Vëndres <i>Clemens M. H., Lucrezia</i>	19.00 Funziun penitenziala	7.30 Mëssa fam. Eugenio Maieron + + Claudia y Orsola Puntel 16.30 Les Staziuns cun scolars y families
16.03.24 Sabeda <i>Herbert, Damian, Ilare</i>	17.30 - 18.30 Confesciuns cun don Yuriy 18.30 Mëssa prefestia + Otto Erlacher, dl ann + Giovanni Sorà, dl ann + Alfred Videsott + + Otto y Maria Erlacher	
17.03.24 5^a Domènia de Carsëma	9.30 Les Staziuns 10.00 Gran Mëssa por la Comunité en onur de Sant Ojöp por i ëi + siur Heirnich Videsott + Anna Mairunteregger Moling + + siur Bertrand y Paula Vollmann dedô Istruziun di ëi	7.50 Les Staziuns ciantades dal Cor 8.15 Liturgia dla Parora



Aziun de Carsëma 2024

L'ultimo ann él rové adalerch cotan de domandes dantadöt dal'Africa olach'al vëgn perié do nosc aiüt por daurí fontanes d'ega da bëre.

Vigni ann n'él nia ma tröc mituns che patësc y mör, mo ince jogn y adulc, deach'ai n'á nia ega nëta da bëre.

En chësc ann oress la Caritas dla Diozeja conzentré sü aiüc sön la republica democratica dl Congo, olache la mancianza d'ega nëta é n gran problem. Al é tröpes ploanies, proi y miscionars, monies y colauradus che é confrontá cun chësc problem.

Al foss debojëgn da ciavé büjes te tera, da costruì condütes y rresservars por abiné ega nëta y ti dé da bëre a paisc, scores, istituziuns soziales y ploanies. La Caritas recorda ch'i sun na gran dlijia solidara olache nord y süd, oriënt y ozidënt tëgn adöm y se dëida.

L'oferta por chësc fin vëgn trata ite en Vëndres Sanc cun l'oferta "Misereor", y forsc sciafiunse bele sëgn da mëte val' da na pert.